



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Q. 37. Quid præterea notandum sit circa Beneficia regularia & sæcularia.

urn:nbn:de:hbz:466:1-42600

habitationem ac vitæ totius directionem. Deinde etiam per hoc sunt perpetua, quod instituta sint, ut semper durent, dumque auferuntur uni, ut alteri conferantur, uti innuit *Nav.* apud *Gob.* t. 8. n. 631. Et sic patet, cur pensiones non sint beneficia, quia nempe morte pensionarii extinguuntur. Videri potest *Leur.* p. 1. q. 84. uti & *Illsung* t. 5. n. 173.

223 Q. 37. Quid præterea notandum sit circa beneficia regularia & secularia. R. seqq.

§. I. In Ecclesia seculari possunt esse beneficia regularia, & in regulari secularia, *Luca* de benef. d. 63. n. 4., *Corr.* de benef. l. 1. c. 6. à n. 329. Imò in eadem Ecclesia possunt esse duo Capitula, unum secularare, alterum regulare; item collator potest esse regularis & beneficium secularare, ita ut non possit conferri regulari, *Luca* n. 7. & 12. An autem beneficium fundatum in Ecclesia regulari possit semper præsumi regulare, videri potest *Castrop.* t. 13. d. 1. p. 34 §. 4. n. 6.

224 §. II. Beneficium secularare vacat per professionem Religiosam nisi Papa dispenset; sed meritò non debet dispensare, ut Religiosus sit Canonicus, quando est contra statuta vel immemorabilem consuetudinem alicujus Ecclesiæ, *Luca* d. 64.

225 §. III. Beneficia secularia sine dispensatione conferri posse Regularibus, præsertim Canonicis, docet cum aliis multis *Tamb.* de jure Abb. T. 3. d. 9. q. 8., quem sequuntur *Engel & Lessius* in auct. v. Religiosus, cas. 2. Oppositum probabilius tenent ex *Conc. Later. Rebuff. Castrop. VVames. Pelliz.* t. 8. c. 6. à n. 231. *Corr.* in praxi dispens. l. 6. c. 1. *Sanch.* in Dec. l. 7. c. 29. *Garc.* p. 7. c. 10. à n. 31. *Pirb.* l. 3. t. 5. n. 118.: In quibus tamen casibus beneficia secularia conferri possint Regularibus vel regularia secularibus, videri potest apud *Castrop.* §. 1. & *Leur.* p. 1.

q. 37. & 39., ubi q. 40. notat beneficium Regulari unius Ordinis vel Monasterii non posse conferri Regulari diversi: quot verò vota requirantur, si Regularis eligatur vel postuletur ad dignitatem sæcularem, explicant *Castrop.* §. 2. & *Leur.* q. 59. & 60. Quamvis autem multi dixerint ad electionem Monachi pro beneficio sæculari curato non requiri dispensationem Episcopi, sed tantum licentiam proprii Superioris, nunc tamen ob jus novum dicendum est nec Monachum nec Canonicum regularem posse assumi, neque in hoc dispensare posse Episcopum, uti latè ex jure & AA. deducit *Leur.* à q. 46. Posse tamen beneficia sæculare validè conferri novitio, docent *Sanch. Garc. Castrop.* & alii: Qualis verò requiratur licentia Superiorum vel Conventus, ut Regularis dispensatus possit admittere tale beneficium sæculare, explicat *Leur.* q. 55. & seqq.

Q. 38. *Quid addendum sit circa beneficium duplex.* R. Seqq. 226

§. I. Beneficium duplex est, quod afficitur aliquâ qualitate juris, id est, vel præ eminentiâ, vel jurisdictione vel administratione Ecclesiæ; si sit cum præ eminentiâ & jurisdictione in foro externo circa Clericos, dicitur Dignitas; si cum præ eminentiâ & jurisdictione in foro tantum interno, dicitur Curatum; si cum præ eminentiâ sine jurisdictione, Personatus; si sine præ eminentiâ & jurisdictione habeat annexam administrationem aliquam, v. g. Cellerarii, dicitur Officium: Thesauraria in quibusdam Capitulis est dignitas vel personatus, in aliis tantum Officium. Videri potest *Leur.* p. 1. q. 32., ubi plura de divisione illa beneficiorum.

§. II. Beneficium duplex subdividitur in majus, 227
medium & minus: majus est quasi culmen beneficiorum & dignitatum, uti Papatus, Cardinalatus,

Prima-